



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14 i 59/22), člana 27. Pravila Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

ODLUKU

o izboru najpovoljnijeg ponuđača

I

Kao najpovoljniji ponuđač u postupku nabavke proizvoda za čišćenje za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je **„Company-Dis“ d.o.o. Tuzla**.

II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnijeg ponuđača iz člana I ove odluke.

III

Zadužuje se Služba za pravne, kadrovske i opće poslove da pripremi sve predušlove za zaključenje okvirnog sporazuma s izabranim ponuđačem po proteku predviđenih zakonskih rokova i procedura.

IV

Vrijednost ove nabavke iznosi **23.000,45 KM bez PDV-a** i ista se uklapa u procijenjenu vrijednost nabavke iz Plana nabavki za 2023. godinu br. 01-11-5-1/23, šifra JRJN 39830000-9.

V

Odluka stupa na snagu danom donošenja.

OBRAZLOŽENJE

Na osnovu Zahtjeva za pokretanje postupka javne nabavke br. 01-11-953-2/2023, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-11-953-3/2023 od 16.03.2023. godine. Postupak je objavljen na Portalu javnih nabavki BiH broj obavještenja 1194-7-1-23-3-11/23 od 17.03.2023. godine. Predmetnu tendersku dokumentaciju u sistemu „E-nabavke“ je preuzelo 18 (osamnaest) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 01-11-974-/2023 od 20.03.2023. godine, konstatovala je da je ponudu predalo 4 (četiri) ponuđača: „Pčelica M“, d.o.o. Tuzla br. protokola: 01-11-1077-1/23, „Alfadivit“ d.o.o. Živinice br. protokola: 01-11-1079-1/23, „Company Dis“ d.o.o. Tuzla br. protokola: 01-11-1080-1/23 i „Inter-com“ d.o.o. Zenica br. protokola: 01-11-1082-1/23.

U skladu sa članom 5. stav (2) i članom 8. Pravilnika o uspostavljanju i radu Komisije za nabavke („Službeni glasnik BiH“, broj 103/14) komisija je izvršila otvaranje, te ponovni pregled i ocjenu primljenih ponuda postupajući po Rješenjima URŽa br. broj: JN2-03-07-1-940-9/23 i JN2-03-07-1-965/23 i konstatovala sljedeće:

- blagovremeno je ponudu predalo 4 ponuđača: „Pčelica“ d.o.o. Tuzla, „Alfadivit“ d.o.o. Živinice, „Company-Dis“ d.o.o. Tuzla i „Inter-com“ d.o.o. Zenica.



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

-u ponudi ponuđača „Pčelica M“ d.o.o. Tuzla je uočena računaska greška, te se Komisija obratila ponuđaču sa Zahtjevom za prihvatanje računске greške br. 01-11-953-8/2023. Komisija je uočena je sljedeću grešku: U redu „Iznos PDV-a“ stoji iznos **4.971,08** a treba da stoji iznos **4.971,09**. Takođe, u redu „Sveukupna cijena sa PDV-om“ stoji iznos **34.212,78** treba da bude **34.212,79**“. Ponuđač je prihvatio računsku grešku, te učinio ispravku, dostavljajući Odgovorna zahtjev br. 01-11-953-9/23 uz priloženi novi obrazac. Prema Rješenju URŽ-a broj: JN2-03-07-1-940-9/23 od 19.05.2023. (broj ugovornog organa: 01-11-1222-3/23 od 24.05.2023.) po žalbi ponuđača „Inter-kom“ d.o.o. Zenica, komisija je konstatovala da Anex 3 – Obrazac za cijenu ponude, nije adekvatno popunjen, jer na mjestu predviđenom u koloni br. 4 – Naziv proizvođača i pakovanje (gramaža, militraž) ponuđenog proizvoda, ponuđač nije upisao konkretne proizvođače ponuđenih proizvoda, nego samo nazive brandova istih. Također, u dijelu koji se odnosi na dokazivanje ispunjavanja kvalifikacionih uslova, ponuđač „Pčelica M“ d.o.o. Tuzla, nije dostavio urednu potvrdu od MUP TK, jer se na istoj ne nalazi mjesto izvršenja ugovora. Dakle, postupajući po Rješenjima URŽa, te u skladu sa Rješenjem URŽ-a broj: JN2-03-07-1-940-9/23 od 19.05.2023. (broj ugovornog organa: 01-11-1222-3/23 od 24.05.2023.) po žalbi ponuđača „Inter-kom“ d.o.o. Zenica, **ponuda ponuđača „Pčelica M“ d.o.o. Tuzla je neprihvatljiva.**

-ponuda ponuđača „Alfadivit“ d.o.o. Živinice je ocijenjena prihvatljivom. Naime, postupajući po Rješenjima URŽa, te u skladu sa Rješenjem broj: JN2-03-07-1-965/23 od 19.05.2023. (broj ugovornog organa: 01-11-1297-3/23 od 24.05.2023.) po žalbi ponuđača „Alfadivit“ d.o.o. Živinice, komisija je izvršila ponovni pregledi i ocjenu ponude ponuđača, te konstatovala da je potvrda **Potvrda o urednom izvršenju ugovora br. 04-5135-1/22 od 18.08.2023. - ovjera nadležnog organa 6019/23 od 23.03.2023.)** uredna i uskladu sa tenderskom dokumentacijom.

-ponude ostalih ponuđača ispunjavaju uslove tražene tenderskom dokumentacijom i iste su ocijenjene prihvatljivim.

-provođenje e-aukcije u skladu sa Pravilnikom o uslovima i načinu korištenja e-aukcije („Sl. glasnik BiH" broj 66/16) Agencija za javne nabavke je zakazala e-aukciju za ponuđače koji su ispunili sve tražene uslove. E-aukcija je zakazana je za dan 05.06.2023. godine, te je započela u 10:00 sati i trajala do 10:24 sati. Aktivno učesće u e-aukciji su uzela tri (3) privredna subjekta. U tom smislu priložen je tabelarni prikaz ponuda:

UKUPNA OCJENA PONUDA

REDNI BROJ	NAZIV PONUĐAČA	UKUPAN IZNOS PONUDE PRIJE E-AUKCIJE	UKUPAN IZNOS PONUDE POSLIJE E-AUKCIJE	KONAČNA RANG LISTA PONUDA
1.	„Company-Dis“ d.o.o. Tuzla	32.785,45 KM bez PDV-a	23.000,45 KM bez PDV-a	1
2.	„Inter-com“ d.o.o. Zenica	32.507,00 KM bez PDV-a	23.100,00 KM bez PDV-a	2
3.	„Alfadivit“ d.o.o. Živinice	31.231,59 KM bez PDV-a	28.469,00 KM bez PDV-a	3

U skladu sa naprijed navedenim, primjenjujući kriterij najniže cijene zadovoljavajuće ponude, u skladu sa članom 64. stav (1) tačka b) Zakona o javnim nabavkama BiH, Komisija je zaključila da je ponuđač



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba

www.nasedijete.ba

„Company-Dis“ d.o.o. Tuzla dostavio najpovoljniju ponudu, te uvažavajući planirana sredstva, Komisija je predložila da se, po proteku zakonskih rokova i procedura, ide na zaključivanje okvirnog sporazuma sa istim, u skladu sa članom 72. Zakona o javnim nabavkama BiH.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14 i 59/22), podzakonskim aktima i tenderskom dokumentacijom. Shodno tome, ugovorni organ je konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

Pouka o pravnom lijeku:

Protiv ove Odluke može se uložiti žalba Uredu za razmatranje žalbi putem ugovornog organa, u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3. Ponuđač je dužan dostaviti žalbu u dovoljnom broju primjerka.

DOSTAVLJENO:

1. Ponuđačima
2. Spis
3. A/a



DIREKTOR

Karić Sanja, dipl. iur /

Broj: 01-11-953- 21 /2023
Tuzla, 06.06.2023. godine